

SANRIO Sinterklaas Day



40% Sale

**Date: 6 December 2008****Time: 9:30 am - 6:30 pm****Avenida Milo Croes # 8, Dakota
Dilanti Kooyman**

Entre Bon Bini ... Y Te Despues!

Skirbi pa: Ernesto E. Rosenstand

Entre e cuater palabranan aki: Bon Bini ... Te Despues no tin solamente tres punto. No! Tin mas cu esei. Tin henter un bida di dedicacion, di sacrificio y ainda mas: Di un trabou bon haci. Den esei no tin ningun duda. Cada un a hacie na nan manera. Ma semper cu e intencion di yuda e prohimo. Y p'esei mes nos gratitud. Di lo mas profundo di nos curason nos ta yama nan DANKI!

Nos a tende, lesa y mira cu e luna aki tres pader Dominico lo repatria. Pader Fransen, van der Lee y pader Bouman.

Cortico bisa. Ma si nos para poco keto y reflexiona riba e palabra REPATRIA, nos lo realisa cu esei atrobe ta nifica otro sacrificio. Kisas mas grandi cu esun di prome, dia cu nan mester a bin aki, un lugar desconoci.

E ta un sacrificio di bai bek un lugar cu den curso di tempo a desaroya no di un manera positivo. Y podise ni reconoce lo reconoc'e.

Bai for di un lugar cu pa añas a traha na bienestar di un comunidad cu tambe ta cambiando di un manera cu nos no a spera, no ta facil. Ma maske nan no a logra loke nan tabata kier tognan ta satisfecho. Y nos ta kere cu e satisfaccion aki lo duna nan forsa pa purba custumbra atrobe na un lugar

“desconoci.”

Durante nan estadia aki nan a logra bira parti di nos sociedad. Anto no un parti con cu ta. No! Nan a bira e consenshi di e pueblo. Un pueblo cu dia a duna nan un BON BINI tabata desconoci. Y awor cu ta birando TE DESPUES; stima! Pues un cambio cu poco poco a keda realisa. Awor nos no ta desconoci pa nan mas, ma stima. Y bai laga e pueblo aki ta haci dolor. Esaki ta reciprocamente.

Nos no tabatin oportunidad pa conoce tur tres di cerca. Esun cu nos tabatin mas contacto cu ne tabata Pastor Bouman. Un sacerdote, SACERDOTE! Semper e ta cla pa yuda unda cu e por. Un religioso cu a infundi amor pa fe. Un autentico yiu di Iglesia!

Durante celebracion di su misanan e ta hacie cu asina un devocion cu lo por ta un ehempel pa hopi otro padernan. Su misanan ta MISANAN! Pa no papia mes di su predicashinan. Su misanan parce cu ta dura un eternidad. E no tin ningun sorto di pura.

Un di e motibonan cu ta cu e ta gusta hinca masha hopi cantica durante e celebracion. Canticanan cu e so sa. Esei ta haci cu varios biaha ta e so ta canta. Ma esei no ta nada



straño, ya cu el a yega di bisa: - Si mi no a bira sacerdote lo mi a bira cantante. Despues di a bai cu pensioen e no a para keto. El a bira un sorto di “stopverf.” Unda cu nan tabatin mester di dje e tabata presente.

Nos por personifica Pastor Bouman cu un frase di Pastor Jansen di Dakota a yega di bisa nos durante un combersacion cu nos tabatin cu ne. Den e combersacion aki nos a bis'e: - Ma Pastor Bouman... - Och neen! Die is een heilige!

Awor e cu su dos otro confraternan ta bai repatria.

Nos ta desea nan tur tres lo miho na Tera Friu y cu Dios drama su bendicion pa tur loke nan a nifica pa e comunidad

aki. Y no deseando nan TE DESPUES! Nos lo a prefera di bisa nan: - TILL WE MEET AGAIN!

Grandioso koffiemorgen y mercado di purga

ORANJESTAD - Diasabra awo 6 december, Iglesia Emmanuel ta organisa un tremendo koffiemorgen hunto cu un Mercado di Purga pa recauda fondo.

E bentanan lo cuminsa for di 9 or di mainta te cu 2 or di atardi riba e parkinglot di Iglesia Emmanuel na Grenadaweg 12 C na Tarabana. Lo tin un cushina bon surti cu entre otro nassi, salada di batata cu galiña, Johnny Cake cu Bacalao, pastechi.

Tambe pa esnan cu ta gusta boca dushi tin cocada, pan boyo y bolo na benta na un prijs hopi atractivo. E Mercado di purga ta bai tin diferente articulonan di cas, cos di hunga, buki. CD, paña y hopi mas. E pueblo di Aruba ta Bon Bini pa pasa diasabra awo, nos ta sperabo!



SETAR

ANUNCIO

SETAR ta participa tur cliente cu e ultimo fecha pa paga e cobransa di luna di november 2008 ta:

DIALUNA 8 DI DECEMBER 2008

Pa mas informacion cliente por yama 114 of 139 of pasa libremente na cualke di nos Teleshopnan.

Seroe Blanco di dialuna pa diabierna di
07:45 am – 4:00 pm
 di dialuna pa diasabra di
9:00 am – 5:30 pm:
 Irausquin Plein
 Santa Cruz
 Palm Beach
 San Nicolas